

ԸՆԴՈՒՆՎԱԾ Է


«ՔՐԻՍՏՈՆԵԱ ՀԱՅԱՍՏԱՆ»

ԿՈՒՍԱԿՑՈՒԹՅԱՆ

2020թ-ի ՕԳՈՍՏՈՍԻ 1-Ի

ՀԻՄՆԱԴԻՐ ՀԱՄԱԳՈՒՄԱՐԻ ՈՐՈՇՄԱՄԲ

ՆԱԽԱԳԱՀ՝



ՀՐԱՉՅԱ ՆԵՐՄԻՍՅԱՆ

Կազմված է՝ 01.08.2020թ

ՏՊԱԳՐՎԱԾ Է ԸՆԴԱՄԵՆԸ 2 ՕՐԻՆԱԿԻՑ
ՕՐԻՆԱԿ 1

ԳՐԱՆՑՎԱԾ Է

ՀՀ ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ

« 02 » հունիսի 2021թ

Գրանցման համար

211.172.1180801

Հարկ վճարողի հաշվառման համար

04238185

« 02 » հունիսի 2021թ

ՊԵՏԱԿԱՆ ՐԵԳԻՍՏՐԻ ԳՈՐԾԱԿԱԼՈՒԹՅՈՒՆ



«ՔՐԻՍՏՈՆԵԱ ՀԱՅԱՍՏԱՆ»

ԿՈՒՍԱԿՑՈՒԹՅԱՆ

ԾՐԱԳԻՐ

ԵՐԵՎԱՆ 2021

«Քրիստոնեա Հայաստան» կուսակցություն (ՔՀԿ)

Ծրագիր

Մեր Տեր Հիսուս Քրիստոսի անվան փառքի համար:

«Քրիստոնեա Հայաստան» կուսակցության ստեղծման պատճառը ինչպես ամբողջ աշխարհում, այնպես էլ Հայաստանում տիրող և իշխանությունների կողմից տարվող հետևողական քաղաքականությունն է ընդդեմ մեր Քրիստոնյա հավատքի, Հայ Առաքելական Սուրբ եկեղեցու, արդարության, հայ ժողովրդի և պետության: Մենք պարտավորված ենք մեզ զգում այն ճշմարտության առաջ, որ հայ ժողովուրդը առաջինը ընդունեց Քրիստոսին որպես մարդկության և աշխարհի փրկիչ և դարձավ առաջին Քրիստոնյա պետությունն ու ժողովուրդը: «Քրիստոնեա Հայաստան» կուսակցության անդամներին համար ուղենիշ և համոզմունք է նաև այն, որ հազար յոթ հարյուր տարվա հայ ժողովրդի Քրիստոնեական անկասելի ընթացքը մեր հավատքի Աստվածային լինելու ծանրակշիռ փաստարկներից մեկն է. զի Աստված ընդ մեզ է: Եվ ելնելով վերը նշված իրականությունից «Քրիստոնեա Հայաստան» կուսակցությունը ծրագրեց վերականգնել Աստծո օրենքները մեր սահմանադրության մեջ և ձեռնամուխ լինել դրանց իրականացմանը մեր կյանքում: Աստվածային շնորհով և ողորմությամբ հայ ազգը առաջինը 301թ. ընդունեց Քրիստոսից բխած ճշմարիտ հավատքը որպես պետական կրոն, և հավատարմությամբ պահպանելով Սուրբ Հավատքը մեր պապերը փոխանցեցին մեզ: Սակայն մերօրյա գլոբալիզացիա կոչվող կեղծ գաղափարը, որ նպատակամղված է քայքայել նաև մեր երկրի արժեքահամակարգը, որի առանցքն է հայ ավանդական ընտանիքը, Հայ Առաքելական Սուրբ եկեղեցին, հայ մշակույթն ու պատմությունը: Ուստի ի հեճուկս այդ իրականության «Քրիստոնեա Հայաստան» կուսակցությունը նպատակամղված է պահպանել ու ամրապնդել մեր

ազգային արժեքները, կազմակերպել Քրիստոնեա պետություն և հասարակություն, որը կապրի Ավետարանի օրենքներով, որտեղ պղծությունը և սողոմականությունը խստագույնս կդատապարտվեն և իսպառ կմերժվեն: Հայոց ազգը կվերագտնի իր առաքելությունը Քրիստոսի լույսով լուսավորվելու և լուսավորելու ողջ աշխարհը: Քանի որ, երկիրը կանգնած է լուրջ մարտահրավերների առաջ, ժամանակն է, որ յուրաքանչյուրս մի կողմ դնենք մեր նեղանձնային շահերը և Քրիստոսի ճշմարիտ հավատքով զինված ձեռնամուխ լինենք մեր պետականաշինության գործընթացին: Հաշվի առնելով այն փաստը որ Հայոց երկրում՝ աշխարհի առաջին Քրիստոնյա պետությունում, մեր հավատքի դեմ առկա են բազմաթիվ կնճռոտ հարցեր և խնդիրներ, մենք գտնում ենք, որ «Քրիստոնեա Հայաստան» կուսակցությունը մի փոքրիկ կազմակերպչական միջոց պետք է դառնա, որ մեր Սուրբ հավատքը 21-րդ դարում նոր լույս և հույս տա մեր ժողովրդին՝ աշխարհում որպես առաջին Քրիստոնյա պետության իր տեղն ու առաջնեկությունը վերականգնելով: Հաշվի առնելով 21-րդ դարի «աշխարհիկ» կոչեցյալ ոչնչապաշտ դիվահարությունը և այս հասկացողության սպեկուլյատիվ գործածության միջոցով քրիստոնեական կենցաղի քայքայումն ու ապականումը, և «աշխարհիկ» պետության մեջ քրիստոնեական Սուրբ Հավատքի հալածական լինելու իրականությունը, ինչպես նաև կրթական, օրենսդիր և դատական ողջ համակարգի վրա այս հասկացողության վնասակար և անթույլատրելի ներգործությունը, որի արդյունքում քաղաքացին հեռանալով Աստծո պատվիրաններից քայքայում է իր, ընտանիքի և հասարակության կյանքն ու բարեկեցությունը ճողոպրելով անասնական բնագծի ետևից: Մենք ներքոստորագրյալներս հիմնում ենք «Քրիստոնեա Հայաստան» կուսակցությունը և ներկայացնում ենք պետականաշինության մեր տեսլականը, որով փափագում ենք կառուցել և տեսնել պետության այնպիսի մոդել, որը կնպաստի իր բոլոր հնարավորություններով մարդուն մարդ դառնալու և մարդ մնալու՝ իմաստուն, առաքինի, բարեգործ, սրբակենցաղ, Աստվածապաշտ և երջանիկ: «Քրիստոնեա Հայաստան» կուսակցության գլխավոր նպատակն է հայության մայր հայրենիքը

դարձնել Ավետարանի օրենքով ղեկավարվող Քրիստոնյա պետություն՝ Հայաստանի Հանրապետությունը վերահռչակել Քրիստոնեա Հայաստանի Պետություն կրճատ՝ ԲՀՊ: Որտեղ կգործեն քրիստոնեական արժեքների վրա հիմնված օրենքներ: Հայոց ազգը կվերագտնի Աստծուց տրված իր առաքելությունը իբրև Նոր Ուխտի ընտրյալ ազգ, կվայելի Աստծո օրհնանքն ու բարիքները որպես առաջին քրիստոնեա պետություն: Մեր ծրագրային դրույթներից մեկն էլ այն է, որ հենց Քրիստոնեա Հայաստան կուսակցությունն ստանա ժողովրդի մանդատը դառնա իշխանություն, մայր հայրենիքը հայտարարի, Քրիստոնեա Հայաստանի Պետություն, երբ որ արդեն որպես իշխող կուսակցություն կիրագործի իր գլխավոր այս նպատակը, կուսակցության ծրագիրը կդառնա պետության քաղաքական ծրագիր՝ այդ իսկ պահին կլուծարվի կուսակցությունը և ամբողջ ուժերը կկենտրոնացվի Քրիստոնեա պետության կայացմանը:

«Քրիստոնեա Հայաստան» կուսակցությունն իր տեսակով ազգային քրիստոնեական կուսակցություն է:

ԿԱՐԳԱՆՈՍ – Պիտի սիրես քո Տեր Աստծուն քո ամբողջ հոգով, սրտով և զորությամբ և պիտի սիրես ընկերոջդ քո անձի պես:

Միջանձնային հարաբերության հիմքը (օրենքը) – այն ամենը ինչ որ դու կկամենաս, որ ուրիշը քեզ համար անի, նույնը դու արա նրան:

Բոլորը հավասար են օրենքի առաջ:

Ղեկավար մարմինները – «Քրիստոնեա Հայաստան» կուսակցության պատասխանատու մարմինները՝ կուսակցության մեջ որևէ պատասխանատվություն ունեցող անձինք, իրենց նկարագրով պետք է համապատասխանեն Հայ Քրիստոնեայի նկարագրին այն է՝ Հայ Առաքելական Սուրբ Եկեղեցում մկրտված, հայոց դավանությունը կրող, Ավետարանին քաջատեղյակ, Մ. Պատարագին մասնակից, գայթակղիչ և տարածված մոլություններից ազատ (ծխել, խմել(հարբել),

հայիոյել(քրֆել), շնանալ, ընտանիքի վրա բռնանալ . . .):

Ներքին քաղաքականություն –Աստվածաշունչ Մատյանը մեզ սովորեցնում է, որ մարդը ստեղծվել է Աստծո պատկերով և նմանությամբ: Ուստի մարդը երկրի վրա բարձրագույն արժեքն է: Մարդու իրավունքները հարգելը Աստծո հրամանն է, հասարակական կյանքի կազմակերպման հիմքը: Քրիստոնեա Հայաստան Պետության քաղաքացին պետք է իրեն պաշտպանված, հարգված և գնահատված զգա: Ի դեմս պետության քաղաքացին պետք է տեսնի իրեն հովանավորի և խնամատարի: Սեփական քաղաքացիների նկատմամբ հարգալից հոգատար և խնամակալ վերաբերմունքը պետության համար մեկ պարտքն է:

Տնտեսություն – Քրիստոնեա Հայաստանի Պետության տնտեսությունը հիմնված պետք է լինի ազատ, շուկայական, մրցակցային հարաբերության վրա: Պետության կողմից իրականացվում է վերահսկողություն տնտեսվարող սուբյեկտների նկատմամբ: Սոցիալական ծրագրերով պետությունը պետք է կարգավորի և արդարացի խնամք տանի ամբողջ ժողովրդի նկատմամբ: Տնտեսության ղեկավարը երկրի վարչապետն է: Վարչապետը երկրի քաղաքական ուղղությունը չպետք է որոշի, այլ գլխավորի տնտեսության առաջընթացը: Պետությունը պետք է ձգտի ինքնաբավության: Բոլոր խոշոր հանքերը պետք է պետականացվեն:

Մշակույթ – Հայաստանը ունի չափազանց հարուստ մշակութային ժառանգություն: Պետությունը պետք է հոգ տանի մշակութային արժեքների պաշտպանության համար: Ապահովի մշակութային օջախների գործունեությունը, հայ քրիստոնեական մշակույթի զարգացումն ու տարածումը:

Հայաստանեայց Առաքելական Սուրբ Եկեղեցի – ՀԱՍԵ-ին հանդիսացել և հանդիսանում է Հայոց ազգի և պետականության պահպանման գլխավոր գրավականը: Կուսակցության նպատակն է տեսնել ՀԱՍԵ-ին պայծառացած

հոգեփրկչական առաքելության լիարժեք իրագործման Աստվածապարզի շնորհի մեջ: Բոլոր եկեղեցական տոները պետք է ճանաչվեն իբրև պետական տոներ: Քրիստոնեա Հայաստանի Պետությունում պատմական արդարությունը վերականգնելու և ժողովրդի հոգևոր խնամքը պատշաճ իրագործելու համար Հայաստանյայց Առաքելական Սուրբ Եկեղեցու զավակներով բնակեցված բոլոր համայնքները պետք է ունենան գործող եկեղեցիներ: Աստծո սերը, Ավետարանի օրենքը, քրիստոնեական կենցաղավարության սկզբունքները պետք է լինեն անձնային, խմբային և ամբողջ հասարակության հարաբերությունների կարգավորման առանցքը: Մեղքը որպես անձնային, խմբային և հասարակական հարաբերությունների քայքայման և հանցագործությունների առաջացման պատճառ, պետք է արմատախիլ արվի խոստովանությամբ և ապաշխարությամբ: Քրիստոնեա Հայաստանի Պետությունում նվիրապետությունն ու իշխանությունները միևնույն անձի հոգու և մարմնի պես երկու անբաժանելի մասեր են՝ Եկեղեցու նվիրապետությունը Ս . Խորհուրդների պահպանման և գործադրման առաքելությամբ, իշխանությունները՝ արդարության և բարեկարգության կազմակերպման ֆունկցիայով: «Եկեղեցին անջատ է պետությունից» կարգախոսը անընդունելի է քանի որ մարմինը հոգուց անջատ լինել նշանակում է մեռած լինել:

Զինված ուժեր – Քանի որ Հիսուսի խոսքին ի պատասխան առաքյալները պատասխանեցին, որ իրենց մոտ կա 2 սուր, ապա 12 առաքյալից 2-ը (15%) զինված էին, ուրեմն Քրիստոնեա Հայաստանի Պետության տղամարդկանց 15% - ը պետք է

զինված լինի որպես պետական բանակ: Հայոց մարտունակ բանակը մեր երկրի խաղաղության և անվտանգության երաշխավորը պետք է լինի: Ժամկետային զինվորական ծառայությունը պետք է լինի պարտադիր և ամեն տեսակ դավաճանական այլընտրանքային ծառայություն նախատեսող խտրական օրենքները պետք է չեղարկվեն: Զինվորական կանոնադրությունը պետք է լրամշակվի և դարձվի գործնական և Ավետարանի օրենքով հիմնավորված: Պետությունը առանձնակի

հոգածություն պետք է ցուցաբերի ազգային բանակում բոլոր ծառայողների նկատմամբ հատկապես՝ սահմանամերձ և սահմանապահ: Քրիստոնեա Հայաստանի Պետության սահմանամերձ բնակավայրերը պետք է պետության հատուկ ուշադրության արժանանան՝ բնակչության թիվը ավելացվի, բնակիչները զենք պահելու իրավունք ստանան, կենցաղային պայմանները բարելավվի:

Արցախ – «Քրիստոնեա Հայաստան» կուսակցությունը հիմք ընդունելով ՀՀ անկախության հռչակագրում ամրագրված մոտեցումը՝ «Արցախի մայր Հայաստանին վերամիավորվելու մասին», միացումը մայր Հայաստանին անհրաժեշտ է համարում: Ոչ ոք իրավունք չունի պատմական Հայաստանի տարածքների վերաբերյալ շահարկումներ կատարելու ամենատարբեր բանակցային գործընթացներում: Պետք է ներդրվի նորագույն անվտանգության համակարգեր, հատուկ ուշադրություն դարձվի տնտեսության զարգացմանը և բնակչության թվի աճին: Նպաստել զբոսաշրջության զարգացմանը: Քրիստոնեա Հայաստանի պետությունը պետք է հանդիսանա Արցախի անվտանգության երաշխավորը:

Սոցիալական քաղաքականություն .

1 սոված էի ինձ հաց տվեցիք,

2 ծարավ էի ինձ ջուր տվեցիք,

3 մերկ էի հագցրիք,

4 անօթևան էի ձեր տուն առաք,

5 հիվանդ էի ինձ տեսի եկաք,

6 բանտում էի այցի եկաք. Մաթ. 25. 35:

Պետության սոցիալական քաղաքականության հիմքը Տեր Հիսուսի վերոհիշյալ խոսքերը պետք է լինեն: Ըստ էության սոցիալական ծրագրերի իրագործման մեջ միջնորդավորված կերպով Աստվածածառայություն կա: Չգործող իրավունքներ

սահամանելով քաղաքացիներին սուտ խոստումների էֆորիայում պահելը անընդունելի է: Պետությունը պարտավոր է ընթացիկ՝ ամեն տարի վերանայել սոց. անապահովների աջակցության ծրագրերը և ոչ մի դեպքում չանտեսել և ընթացքը դեպի վատթարացումը թույլ չտալ:

Վանք – հաշվի առնելով Հայոց պատմական փորձառությունը վանքերի և աղքատախնամ հաստատությունների համատեղման՝ Ներսես Մեծի գահակալման շրջանին հատկապես, Քրիստոնեա Հայաստանի Պետությունը պետք է նախաձեռնի ծերանոցների և որբանոցների վերակազմակերպումը վանական համակարգի մեջ: Որպեսզի որբ երեխան ոչ միայն ստանա սնունդ և կացարան, այլև հոգևոր կրթություն և կյանքի նպատակի ճանաչում և առաքինի մարդ դառնա: Ինչպես նաև կյանքի պլեբիսոմներից կործանված չափահաս, անխնամ մնացած մարդը կարողանա ոչ միայն սնունդ և կացարան ունենալ, այլ հավիտենական հույսին հաղորդվել, կյանքը վերագնահատել և պատրաստվել հավիտենական կյանքին:

Արդարադատություն – գործող քրեական օրենսգիրքը պետք է համապատասխանեցվի հայ քրիստոնեական իրավական մտքին (մասնավորաբար հանցանքների ցուցակը): Քրեակատարողական հիմնարկները պետք է դարձվեն ապաշխարության դպրոց, ազատագրված անձանց համար պետք է գործի վարդապետական դատարանը: Պատմական արդարությունը վերականգնելու համար Քրիստոնեա Հայաստանի Պետությունում դատավորների կեսը և ԱԺ պատգամավորների 20 տոկոսը պետք է Հայ Առաքելական Սուրբ եկեղեցու ձեռնադրված հոգևորականները լինեն:

Արտաքին քաղաքականություն – ՔՀՊ – ը պետք է իր արտաքին քաղաքականությունը իրականացնի ելնելով պետության ինքնիշխանության հանգամանքից:

- Քրիստոնեա Հայաստանի Պետությունը պետք է պահանջատեր լինի ցեղասպանության արդյունքում կորցրած Արևմտյան Հայաստանի տարածքների, Նախիջևանի և բոլոր օկուպացված հայկական հողերի և ունեցվածքի նկատմամբ:
- Քրիստոնեա Հայաստան Պետությունը պետք է բոլոր ուղղություններով իր դիվանագիտական հարաբերությունները կառուցի մեր երկրի շահերը առաջնահերթ նկատելով և նաև հարգելով գործընկեր պետության շահերը և երբեք ոչ մի հարաբերություն չի կարող կառուցվել ի վնաս քրիստոնեական մեր սուրբ հավատքի:
- Հաշվի առնելով Եվրոդատարանում բազմաթիվ հակապետական, հակաիրավական և հակաքրիստոնեական վճիռների կայացմամբ ՀՀ քաղաքացիների մեծամասնության իրավունքների խախտմամբ ՀՀ տուգանելու արատավոր պրակտիկան (օրինակ՝ այլընտրանքային ծառայության, աղանդավորական, այլասերվածների, . . . հարցերով) մենք անհրաժեշտ ենք համարում վերանայել ՀՀ և Եվրոդատարանի հարաբերությունները: ՀՀ-ը իրավաբանորեն (դե յուրե) և փաստացի (դե ֆակտո) ինքնիշխան պետություն է, ուստի չպետք է ՀՀ վճռաբեկ դատարանի վճիռները ընդդատյա լինեն Եվրոդատարանին:
- ՔՀՊ – պետք է առավել խորացնի բարեկամական հարաբերությունները հարևան երկու պետությունների՝ Վրաստանի և Իրանի հետ և խորացնի փոխշահավետ ծրագրեր իրականացնելու ավանդույթը: Բարեկամական հարաբերությունները չպետք է վնասվեն աշխարհաքաղաքական այլազան ներգործությունների արդյունքում:
- Ցեղասպանության ճանաչման գործընթացը պետք է գլխավորի Քրիստոնեա Հայաստանի Պետությունը: Քրիստոնեա Հայաստանի Պետության և Թուրքիայի հարաբերության հիմնաքարը՝ 1915թ-ին թուրքերի կողմից կատարած ցեղասպանության հանցագործության ճանաչման, դատապարտման և

հատուցման գործընթացն է: Եթե Թուրքիայի իշխանությունները որևէ պահի կճանաչեն հայոց ցեղասպանությունը և կհատուցեն, ապա այդ պահից Քրիստոնեա Հայաստանի Պետությունը բարիդրացիական հարաբերություն կարող է հաստատել Թուրքիայի հետ:

- Ադրբեջանի կողմից սանձազերծված փաստացի պատերազմական իրադրությունը մեծ խոչընդոտ է հանդիսանում տարածաշրջանի զարգացման համար: «Քրիստոնեա Հայաստան» կուսակցությունը կոչում է Արցախի հարցի խաղաղ կարգավորմանը, սակայն Ադրբեջանի կողմից ռազմական սադրանքի դեպքում պատրաստ է արժանի հակահարված տալու: «Սիրեցեք ձեր թշնամիներին» ասված է մեր Տիրոջ կողմից, մենք պատրաստ ենք սիրելու և ներելու, եթե այս դեպքում նախահարձակ ագրեսորը՝ Ադրբեջանը, հասկանաատելության վնասն ու կորուստը:
- Ռուս քրիստոնյա բարեկամ ժողովրդի հետ պետք է խորացվի պատմականորեն ձևավորված ռուս – հայկական եղբայրական հարաբերությունները . տնտեսական, քաղաքական, ռազմական և այլ ոլորտներում, միշտ պահպանելով ինքնիշխանության սկզբունքը:
- Եվրոպական երկրների հետ ձևավորված բարիդրացիական հարաբերությունները պետք է պահպանել և զարգացնել բացառությամբ այն հարցերի և ոլորտների, որոնք հակասում են քրիստոնեական մեր սուրբ հավատքի սկզբունքներին:
- ԱՄՆ – ի և Չինաստանի հետ պետք է զարգացնել գործընկերային ձևավորված ավանդույթը: Այս գործընկերության մեջ չափազանց կարևոր համարելով մեր ինքնիշխանության և քրիստոնեական արժեհամակարգի հարցերն ու խնդիրները:

Մփյուռք – Քրիստոնեա Հայաստանի Պետությունը հանդիսանում է աշխարհով մեկ սփռված հայերի մայր հայրենիքը ուստի Հայրենիք-Մփյուռք փոխադարձ պարտավորություններն ու իրավունքները երբեք ոչ մի կողմից չպետք է անտեսվեն:

Հայ սփյուռքը Քրիստոնեա Հայաստանի Պետության համար յուրահատուկ դեսպանություն և հզոր ուժ է տարբեր երկրներում, որպիսի հանգամանքը պետք է շատ քարձր գնահատվի մայր հայրենիքում և սփյուռքի նկատմամբ պետության կողմից պետք է շարունակական հոգածություն և խնամք ցուցաբերվի ամենատարբեր հարցերով: Քրիստոնեա Հայաստանի Պետությունը պետք է ամեն ջանք գործադրի Սփյուռքում հայապահպանությանը օժանդակելու համար: Հոգևոր, մշակութային, կրթական և մնացած բոլոր ոլորտներում զգալի պետք է լինի պետության ներդրումը: Պետությունը պետք է նպաստի հայրենադարձությանը:

«Քրիստոնեա Հայաստան» Կուսակցությունը առաջնահերթություն է նկատում սահմանադրության փոփոխությամբ համապատասխանեցումը Հայ քրիստոնեական մտածողությանը և իրականությանը: «Քրիստոնեա Հայաստան» Կուսակցությունը

ձգտում է Հայոց պետականաշինության միջոցով ազգի համախմբմանը և նրա անվտանգության, առաջընթացի, զարգացման և հզորացման ապահովմանը: ՀՀ սահմանադրության և օրենքների շրջանակներում ապահովել «Քրիստոնեա Հայաստան» կուսակցության ներկայացվածությունը ՀՀ ԱԺ – ում, պետական կառավարման և տեղական ինքնակառավարման մարմիններում, և այդ ճանապարհով մասնակցել պետական քաղաքականության մշակմանն ու ՀՀ իշխանությունների կազմավորման և կառավարման գործընթացին:

«Քրիստոնեա Հայաստան» կուսակցության ծրագիրն ու բուն նպատակն է ժողովրդավարական ճանապարհով, արդար ընտրությունների միջոցով ստանալ հայ ժողովրդի համաձայնության քվեն և երկիրը հայտարարել Քրիստոնյա Պետություն, երկիրը առաջնորդել Ավետարանի օրենքով: Ըստ «Քրիստոնեա Հայաստան» կուսակցության տեսլականի քաղաքական այն կուսակցությունները, որոնք ստանում են ժողովրդի քվեն և դառնում են իշխանություն, պետք է լուծարվեն, քանի որ իրենց երկիրը դեկավարելու կուսակցական ծրագիրը ստանալով ժողովրդի հավանությունը վերածվում է պետության ծրագրի, ուստի մենք ավելորդ ենք համարում իշխանական

կուսակցության անհավասար գոյությունը մյուս կուսակցությունների շարքում հետևաբար պետք է լուծարել իշխող կուսակցությունը:

Հայաստանի Հանրապետության և Արցախի դեմ լայնածավալ հարձակման պարագայում կուսակցության բոլոր անդամները, ըստ անհրաժեշտության պետք է զինվորագրվեն հայրենիքի պաշտպանության գործին, ինչը նշանակում է որպես կամավոր մեկնել ռազմական գործողությունների գոտի, կամ զբաղված լինել գործունեության այնպիսի տեսակով, որն ուղղակիորեն ծառայում է Հայաստանի ռազմական հաջողության պահպանմանը:

Քանի որ ՀՀ-ն և Արցախը գտնվում են փաստացի պատերազմական իրավիճակի մեջ, ուստի նպատակահարմար ենք համարում, որ յուրաքանչյուր քաղաքացի ով ունակ է զենք բռնելու, մասնակցի ամենամյա ռազմաուսումնական վարժանքների: Պետք է ստեղծել պաշտպանական կառույցներ յուրաքանչյուր բնակավայրում և անհրաժեշտության դեպքում ապահովել տեղի բնակչության կողմից զինված աշխարհագոր:

Գիտություն - Պետությունը պետք է հովանավորի գիտության զարգացումը: Գիտությունը պետք է դուրս բերել կրավորական վիճակից և ներկայիս դոգմատիկ թելադրական գիտական միջավայրը պետք է ազատականացնել, որպեսզի գիտությամբ զբաղվող ցանկացած ոք կարողանա իր վերլուծությունները անկաշկանդ ներկայացնի: Գիտական ներուժը զարգացնելու և պետության բարօրության համար օգտագործելու նպատակով պետք է թարմացնել գիտական լաբորատորիաների տեխնիկական վիճակը, գիտնականների աշխատավարձերը բարձրացնել, գյուտարարության համար սահմանել տարբեր խրախուսման միջոցներ: Առանձնակի մեծ ուշադրություն պետք է դարձնել սեփական գիտական ներուժով ռազմական արդյունաբերության զարգացմանը:

Կրթություն – Քրիստոնեա Հայաստանի Պետությունում կրթությունը պետք է լինի հայ քրիստոնեական : ՀՀ-ում կրթությունը այսպես կոչված «աշխարհիկ» է: «Քրիստոնեա Հայաստան» կուսակցության անդամներս համոզված ենք, որ «աշխարհիկ» բառը կրոնական տերմին է և հայաստանյան կրթական համակարգը հանիրավի ենթարկված է կրոնական այսպիսի ներգործման՝ Հայ Քրիստոնեականի փոխարեն ներդրվել է «աշխարհիկ» կոչված ինքնատիպ և ոչնչապաշտ կրոնական ոճը: Այս հասկացությունը խաթարում է հոգևոր էակ հանդիսացող մարդու ներդաշնակ զարգացումը, կողմնակալ կերպով և առանց հիմնավորման բոլոր հարցերի մեջ միայն հակադրվելով կրոնական մտածողությանը . տես՝ (աշխարհիկ, աշխարականացում բառի հայերեն բացատրությունը kronadaran.am կայքում): Կրթության և մարդու ներդաշնակ զարգացման համար անհրաժեշտություն է նրա հոգևոր աշխարհի ճիշտ ուղղորդումը, և հայ քրիստոնեային վայել Աստվածահաճո կերպարի ձևավորումը: Ուստի կրթական համակարգում անպայման պետք է ներդրվի Աստվածաշունչ մատյանի (Ավետարանի) ուսուցումը և վերականգնվի աշակերտների աղոթելու իրավունքը: Միջնակարգ և միջին մասնագիտական կրթությունը պետք է լինի անվճար: Պետության պարտավորությունն է կրթության պայմանների շարունակական բարելավումը:

Գյուղատնտեսություն – Պետությունը պետք է նպաստավոր պայմաններ ստեղծի, որպեսզի չմշակվող հողերը գրավիչ դառնան մշակելու համար: Պետությունը հատուկ ուշադրություն պետք է դարձնի գյուղմթերքների արտահանման գործընթացին: Ոռոգման համակարգը տարեց տարի պետք է զարգացվի և համապատասխանեցվի նորագույն տեխնիկական չափանիշներին:

Ընտանիքներ – ՔՀԿ-ը հարգում և արժևորում է ավանդական Հայ Քրիստոնեական ընտանիքը և ջանքեր է գործադրում երիտասարդ սերունդին այդպես կրթելու համար: Հայ քրիստոնյա ավանդական ընտանիքը հասարակության հիմնական բջիջն է և պետք է գտնվի պետության հոգածության ներքո: Քրիստոնեական ընտանիքի հիմքը

սերն է: Պետությունը պետք է ապահովի երիտասարդ ընտանիքների բարեկեցությունը և խրախուսի բազմազավակությունը: Հայ քրիստոնեական ավանդական ընտանիքում զավակները պարտավոր են ծերացած ծնողներին խնամելու, ինչպես նաև ծնողները պարտավոր են խնամել անչափահաս զավակներին: Ամուսնական անհավատարմության պատճառով առաջ է գալիս բազմաթիվ վիճաբանություններ և բաժանումներ, որտեղ դատական պրոցեսների

ժամանակ գլխավոր հանցանքը ամուսնական անհավատարմությունը քննության չի առնվում և գնահատանքի չի արժանանում, ուստի պետք է սահմանել ամուսնացած զույգերի համար փոխադարձաբար ամուսնական հավատարմության իրավունք: Ամուսնական հավատարմության իրավունքի խախտումը հանցագործություն է:

Առողջապահություն – ՔՀԿ անդամներս համոզված ենք, որ առողջությունը Աստծուց տրված պարգև է և առողջապահության համակարգը այս ելակետից պետք է իր պաշտոնը կատարի իբրև Աստծո պաշտոնյաներ մարդկանց առողջությունը պահպանելու համար: Պետք է խրախուսվի առողջ ապրելակերպը, ներդրվի առողջապահական ապահովագրությունը: